

Kisa WIDA Alternate ACCESS ye?

WIDA Alternate ACCESS se yon tès yo bay elèv klas matènèl-12yèm ane ke yo idantifye kòm elèv k ap aprann Anglè ak andikap mantal ki pi enpòtan yo.

WIDA Alternate ACCESS mezire konpetans elèv yo nan lang Anglè nan Tande, Li, Pale, ak Ekri.

Poukisa pitit mwen an dwe suiv pwogram WIDA Alternate ACCESS?

Yo te idantifye pitit ou a kòm yon moun k ap aprann Anglè, sa vle di pitit ou a ka benefisye sèvis sipò lang an Anglè, anplis de pran lòt kou. Elèv k ap aprann Anglè yo pran yon tès konpetans nan lang Anglè chak ane. Anpil elèv k ap aprann anglè pran tès ACCESS for ELLs. Rezon ki fè pitit ou a pran tès WIDA Alternate ACCESS la se petèt paske

- Yo te idantifye li kòm yon moun ki gen yon andikap mantal enpòtan.
- Pwofesè yo panse ke WIDA Alternate ACCESS, ki ofri sipò siplemantè ak opòtinite pou reponn ak kesyon tès yo, ta ka pèmèt yo demontre konpetans yo nan lang Anglè.

Konpetans nan lang Anglè

Yon nivo konpetans nan lang Anglè se yon mezi ki montre eta avansman elèv yo nan pwosesis la pou yo devlope konpetans nan lang Anglè ki nesèsè pou jwenn aksè nan ansèyman kontni an Anglè. Lè elèv yo antenn pi wo nivo konpetans nan lang Anglè, yo pa bezwen sèvis sipò lengwistik ankò pou yo patisipe nan ansèyman kontni ki an Anglè.



Kijan yo itilize nòt WIDA Alternate ACCESS yo?

Tès yo ede pwofesè yo konprann si elèv yo gen konpetans lang yo bezwen pou yo patisipe totalman nan salklas la. Elèv k ap aprann Anglè ki gen andikap **ka** aprann langaj ak sistèm kominikasyon konplèks. Pwofesè pitit ou a sèvi ak rezilta tès WIDA Alternate ACCESS pou deside ki meyè fason pou li anseye pitit ou a.

Nòt tès yo tou ede pwofesè yo swiv pwogrè pitit ou a nan aprann Anglè akademik epi ede lekòl yo deside ki sèvis sipò nan lang Anglè pou bay. Ou ka sèvi ak enfòmasyon tès yo pou plede pou pitit ou a nan lekòl la.

Preparasyon pou WIDA Alternate ACCESS

- Pitit ou a pa bezwen etidye pou WIDA Alternate ACCESS. Tès la se yon opòtinite pou elèv yo demontre tout fason ke yo konprann epi kapab kominike nan lang Anglè.
- Jwenn egzanp kesyon tès WIDA Alternate ACCESS sou paj Alternate ACCESS Sample Items sou sitwèb WIDA a, wida.wisc.edu/assess/alt-access/preparing/practice.
- Prepare pou jou tès la lè w asire w ke pitit ou a dòmi ase epi li pran dejene.
- Pale ak pwofesè pitit ou a sou ki lè w ap resevwa nòt tès yo, kijan lekòl pitit ou a sèvi ak nòt sa yo, ak kijan fanmi ou ka sipòte devlopman langaj pitit ou a lakay la.

Kesyon ou ka poze pwofesè pitit ou a

- Ki jan yo pral anrejistre ak swiv objektif devlopman lang Anglè pitit mwen an?
- Kilè pitit mwen an ap pase tès WIDA Alternate ACCESS la?
- Kilè m ap resevwa rezilta tès WIDA Alternate ACCESS pitit mwen an?
- Kijan yo itilize nòt tès yo pou ede pitit mwen an fè pwogrè nan aprantisaj Anglè akademik?
- Kijan ou deside lè pitit mwen an ap sispann benefisye sèvis lang Anglè?

